


舍利弗阿毗曇論

卷十二

四百十八
部十二

50899



元祿九年丙子二月日重修

皇圖策固 帝階綴昌
佛日增輝 懋輪崇轉

山城州天安寺法金剛院置

松環寺藏

舍利弗阿毗曇論卷第十二

邱

姚秦天竺三藏曇摩崛多共曇摩耶舍譯

非問分禪定品第九

因緣具足則能得定因緣不具不能得定修
定有如此因緣謂比丘愛護解脫戒成就威
儀行已所處愛護微戒懼如金剛受持於戒
斷邪命行正命善知識善親厚善眾攝諸根
門飲食知足勤行精進初不睡眠離障礙法
如此比丘知斷五蓋心垢損智慧法離欲惡
不善法有覺有觀離生喜樂成就初禪行乃
至斷苦樂先滅憂喜不苦不樂捨念淨成就

第四禪行



云何愛護解脫戒若隨順戒不行放逸以戒
爲門爲足爲因能生善法具足成就以此戒
故名爲持戒以此順不放逸名持戒護持威
儀行是謂愛護解脫戒

云何成就威儀行一切身不善行一切口不
善行一切意不善行是名非威儀行身一切
善行口一切善行意一切善行是名成就威
儀行復次恭敬和尚及和尚同學恭敬阿闍
梨及阿闍梨同學恭敬上下座是名威儀行
云何已行處有六非已行處若姪女處寡婦
處大童女處不能男處比丘尼處沽酒處是
名六非已行處又如佛說比丘莫至他國非

已行處若至他國非已行處魔得其便比丘
何謂他國非已行處謂五欲也是名至五欲
非已行處云何已行處若彼非威儀行此非
已行處捨離正捨離緣捨離不親近正不親
近緣不親近是名已行處又如佛說行於自
國已行處若比丘自國已行處魔不得便比
丘何謂自國已行處謂四念處也是自國已
行處若以此威儀行起正起受起受是謂威
儀已行處成就

云何愛護微戒懼如金剛若微細戒若今作
起意作欲和合作若於彼多起恐畏相令我
莫犯是謂懼微戒如金剛

何謂受持於戒若比丘不離一切戒常持一切戒常住一切戒親近於戒持戒不瑕不穢不垢不懈不缺受持一切戒是謂受持於戒云何捨邪命行正命云何邪命若沙門婆羅門邪命自活謂諛諂詐稱占相吉凶爲他使命現相激動以利求利以此非法得衣鉢醫藥卧具所須受用食噉以此繫染貪著凌蔑他人堪忍非法不見過患不知出世若比丘離如是等邪命如法得衣鉢醫藥卧具所須受用食噉不以此繫染貪著不凌蔑他人不堪忍非法染見過患知出世是謂斷邪命行正行

云何善知識。謂沙門婆羅門持戒賢善斷貢
高放逸。忍辱成就。自調自滅。自入涅槃。欲離
欲。欲盡。乃至欲離癡。癡盡。應染。處不染。乃至應
癡。處不癡。應止。處不止。應受。處不受。身口意
業清淨。正命清淨。信慙愧。多聞精進。念慧
修行。八道具足。戒定慧解脫。解脫。知見。衣食
知足。是謂善知識。何謂識。若識善。識知。共行慈
重行慈。究竟行慈。常敬不離。是名善知識。云
何善親厚。凡夫持戒。人是凡夫。持戒人善親
厚。堅信人。是堅信人。善親厚。堅法人。是堅法
人。善親厚。乃至阿羅漢。是阿羅漢。善親厚。如
是。等自共親厚。是名善親厚。若善知識。若善

親厚隨順不離相親近是謂善知識善親厚
云何善衆若依持戒人學持戒心向彼尊上
彼傾向彼解彼若依定人學定乃至彼解脫
知見人學解脫知見心向彼尊上依傾向彼
解彼是謂善衆

云何攝諸根門若比丘眼見色不取色相能
起眼根者攝令不放逸斷惡不善法及希望
世憂順持戒守護眼根得眼根戒乃至意識法
不取法相能起意根者攝令不放逸斷惡不
善法及希望世憂順持戒守護意根如此六觸
入護微念解射念善成就行見欲過患常自
護意是謂攝諸根門

云何飲食知足知量而食不掉不生不貢高
不爲養身不爲嚴飾身唯欲安身不起瞋恚
欲修梵行斷故受不生新受爲活命故捨憎愛
金剛常處中行不求利勤力樂行如人患瘡以
藥塗之爲欲令愈比丘亦尔知量而食不起
掉不生貢高乃至不求利勤力樂行

云何掉食若作是念我食此食已當作身口
意掉是名掉食

云何貢高食若作是念我食此食已當增長
放逸是名貢高食

云何養身食若作是念我食此食已當益於
身是名養身食

云何不為嚴飾身食若作是念我食此食當
端正姝好妙相成就名嚴飾身食若比丘
不作是念我食此食當作身口意掉當作貢
高當養身當嚴飾身是謂不掉食不貢高不
養身不嚴身食

云何但欲令身狂應作是念我食此食但令
令身住不終不沒是名但欲令身住

云何不起瞋恚若飢緣飢故生身心苦受若
食過度緣過度故生身心苦受若比丘知足
而食善思量食則瞋恚滅不生不起是名不
起瞋恚

云何欲修梵行梵行謂八聖道也應作是念

我食此食已能修梵行念梵行久住爲盡苦
際是名欲修梵行

云何斷故受不生新受若飢緣飢故生身心
苦受是名故受何謂新受若食過度緣過度
故生身心苦受是名新受若比丘知足而食
善思量食是名斷故受不生新受

云何爲活命故食應作是念我食此食爲
住命根護持戒行故是名爲活命故食

云何捨憎愛金剛若飢緣飢故生愛煩惱金
剛我憶念憎如是飲食若食過量緣過量故
生憎煩惱金剛我不憶念如是過度飲食若
比丘知足善思量食捨離憎愛煩惱金剛是

名捨離憎愛金剛

云何不求利若不以麤食爲足多食嗜味貪
味勤求希望飲食是名求利若比丘以麤食爲
足量食不嗜味不貪味不勤求不希望飲食
是名不求利

云何勤力若作是念我食此食欲身勤進自
勉是謂勤力

云何樂行若飢緣飢故生身心苦受若食過
度緣過度故生身心苦受是名不樂行若比
丘知足善思量食無有不樂是名樂行
云何勤精進不睡眠若比丘於晝或結跏趺
坐思惟或經行心離障礙法初夜若經行若

思惟心離障礙法中夜右脇著床壘脚而眠
思惟起覺想後夜若思惟經行心離障礙法
是名勤精進不睡眠

云何離障礙法障礙法謂五蓋也如佛說五
蓋是心煩惱損智慧法又如佛次說若在家
出家人有五蓋覆心若自知義若他知義若
知自他義若過人法若離欲知見增進若知
若見無有是處五蓋遮礙善法纏縛汚染生
起結使故名障礙若修行清淨去障礙法清
白明了是名離障礙法

云何斷五蓋離滅沒除是謂斷五蓋何謂心
垢五蓋是心煩惱垢膩不明是名心垢

云何損智慧法五蓋覆心慧力羸劣是名損
智慧法

云何離欲惡不善法欲謂五欲復次塵非欲
聖法中謂是求那若憶想染著此是欲如是
佛說

種種色非欲 衆生想欲染 世間色常在

健者離欲染

若此五欲中貪重貪堪忍繫著是名欲云何
惡不善法身口意惡行是名惡不善法復次
十不善業道是名惡不善法復次不善根相
應法不善根所起無緣非受法是名惡不善
法復次貪欲瞋恚愚癡忿怒怨嫌妄瞋嫉妬

慳惜諛諂欺僞匿惡無慙無愧貢高諍訟及
我慢等是名惡不善法復次邪見邪覺邪語
邪業邪命邪進邪念邪定邪解脫邪智及餘
隨邪法是名惡不善法如是欲惡不善法若
遠離不近不雜純淨別處是名離欲惡不善
法去何有覺有觀若行覺觀是謂有覺有觀

云何離生喜樂若離欲惡不善法生喜樂是
名離生喜樂云何成就初禪行初禪有五支
覺觀喜樂一心云何覺重覺究竟覺諸所憶
念法明來至思惟心是名覺云何觀心行順
行微行津液微觀心微轉是名觀云何喜歡
喜踊躍是名喜云何樂心忍受樂意觸樂受

是名樂云何一心心住正住是名一心此五
支是名初禪何謂初若此四禪以次順不逆以
次入定行此是始此是初此是一是名初何
謂禪謂捨心垢正捨緣捨是謂名禪復次煩
惱未斷能斷是名禪復次煩惱斷已得現世
樂行是名禪復次如是善法成就入禪明了
熾盛清淨是名禪復次如是定住甚深妙義
專著智慧是名禪復次行人行覺觀意喜心
定如行人若受想思惟覺觀見慧解脫無癡
順信悅喜心進心除信欲不放逸念心捨意
界意識界及餘隨色是名禪復次隨法非禪
是隨禪法若心住正住此名禪得如定已護

持威儀住行微行是名成就初禪行若比丘
身離生喜樂津液遍滿此身盡離生喜樂津
液遍滿無有減少如善洗浴師善洗浴師弟
子以細澡豆盛著器中以水灑已調適作搏
此搏津液遍滿不乾不濕內外和潤如是
比丘此身離生喜樂津液遍滿無有減少云
何津云何液云何遍云何滿如比丘住禪時
離生喜樂初生正生起正起觸證身離生喜樂
亦時名津住禪時離生喜樂漸開微行未能
增廣身離生喜樂亦時名液住禪時離生喜
樂能增廣未至彼岸身離生喜樂亦時名遍
住禪時離生喜樂能到彼岸齊是謂身離生喜

樂尔時名滿如農夫初以水溉田地始津潤
名津潤已水漸開微行未能增廣名液液已
水漸增廣未到彼岸名遍遍已水到彼岸一
切高下盡滿滿時水還灑水口名滿比丘亦如
是住禪時離生喜樂初生正生起正起觸證
身離生喜樂尔時名津離生喜樂漸開微行
未能增廣身離生喜樂尔時名液離生喜樂
能增廣未到彼岸身離生喜樂尔時名遍離
生喜樂能至彼岸齊是謂離生喜樂尔時名
身滿復次津液遍滿如是諸句義一名異如
佛說何謂覺若覺重覺究竟覺諸所憶念法
明來至思惟心語是名覺諸比丘此義不應

如是說覺異重覺異究竟覺異諸所憶念異
法明來至異思惟心語異如覺諸句義一名
異津液遍滿亦如是義一名異如此丘修慈
心遍解東方南西北方四維上下慈心普廣
無異無量無怨無恚遍解一切世間行亦時
以衆生爲境界如是比丘身離生喜樂津液遍
滿時以身爲境界不應如是說如此丘應思
惟無常行離欲不善法有覺有觀離生喜樂
成就初禪行便離生喜樂遍滿身得離生喜
樂已除身炙心炙身煖心煖身熱心熱身燃
心燃身焦心焦身惡心惡身不樂心不樂身
不調心不調身不輕心不輕身不煖心不煖

身不除心不除如此丘除身炙心炙乃至身
不除心不除已得身不炙不煖不熱不燃不
焦得樂則無煩惱金剛不求利勤力樂行齊
是謂離生喜樂遍滿身

云何滅覺觀若覺觀寂靜正寂靜滅沒除是
名滅覺觀云何內淨信內有信正勝信生具
足成就就是名內淨信云何一心心獨住正住
正獨處入定是名一心云何無覺無觀若除
覺觀已定心喜樂具足成就就是名無覺無觀
云何定生喜樂成就二禪行云何二禪二禪
有四支內淨信喜樂一心云何內淨信若比丘
離欲惡不善法有覺有觀離生喜樂成就初

禪行如此比丘思惟覺觀。鹿我覺觀。鹿內淨信
寂靜勝比丘思惟覺觀。鹿已覺觀。寂靜正寂
靜捨滅。沒除盡覺觀。寂靜正寂靜捨滅。沒除
盡已。內淨信具足。成就是名內淨信。如此比丘
若以行若受教。若法相若方便。若專心若思
惟。若觸離欲惡不善法。有覺有觀。離生喜樂
成就。初禪行如此比丘。行若受教。乃至親近多
修學已。心向寂靜。尊上寂靜。傾向寂靜。心向
寂靜。尊上寂靜。傾向寂靜。已覺觀。寂靜正寂
靜。滅沒除盡覺觀。寂靜正寂靜。滅沒除盡已。
內淨信。生具足。成就是名內淨信。復次比丘
思惟覺觀。是鹿法滅。鹿法心清淨。清淨心是

名內淨信復次比丘思惟覺觀是鹿法離
鹿法心清白清白心是名內淨信復次比丘
思惟覺觀是鹿法除鹿法心了明了心是名
內淨信復次比丘思惟覺觀是鹿法無覺無
觀地寂靜勝妙是名內淨信復次比丘思惟
有覺觀其心不軟不調不清淨不清白不明
了無覺觀其心軟調清淨清白明了其心軟
乃至明了是名內淨信復次比丘思惟無覺
無觀心喜心定如行人若信入信究竟入信
勝信淳信心信是名內淨信何謂喜如行人
歡喜踊躍是名喜何謂樂如行人心忍受樂
信觸樂受是名樂何謂一心如行人心信正

信是名一心如是四支若二禪何謂二如四
禪次順不逆以次入定行二與初無有中間
是謂二何謂禪禪謂捨心垢正捨緣捨是名
禪乃至復次無覺觀行意喜心定如行人若
受想思觸思惟乃至及餘所隨色是名禪復
次隨法非禪是隨禪法若心住正住是名禪
得是定已護持威儀住行微行是名成就二
禪行若比丘定生喜樂津液遍滿此身盡是
生喜樂津液遍滿無有減少如大陂湖以山
圍遶水從底涌出不從東方南西北方來自
從底涌出此陂津液遍滿無有減少如是比
丘身定生喜樂津液遍滿無有減少云何津

云何液云何遍云何滿如比丘任禪時身定
生喜樂生正生起正起觸證身定生喜樂
時名津任禪時定生喜樂漸開微行未能增
廣身定生喜樂尔時名液任禪時身定生喜
樂能增廣未到彼岸定生喜樂尔時名遍任
禪時定生喜樂能至彼岸齊是謂定生喜樂
尔時名身滿如農夫初以水溉田始津潤尔
時名津津潤已水漸開微行未能增廣尔時
名液液已水遂增廣未到彼岸尔時名遍遍
已水到彼岸地一切高下盡滿滿時水還灑
水口尔時名滿比丘亦是任禪時身定生
喜樂生正生起正起觸證禪定生喜樂尔時名

津乃至至任禪時定生喜樂能至彼岸齊是謂
定生喜樂尔時名身滿復次津液遍滿如是
諸句義一名異如佛說云何觸緣明緣色生
眼識三法和合觸眼非觸色非觸若此法共
和合聚集是謂觸諸比丘此義不應如是說
共異和合異集異聚異如此諸句義一名異
津液遍滿亦復如是義一名異如比丘修悲
遍解東方南西北方四維上下悲心普廣無
異無量無怨無恚遍解一切世間行尔時以
衆生爲境界比丘任禪時身定生喜樂津液
遍滿以身爲境界不應如是說如比丘應思
惟苦行滅覺觀內淨信心獨無覺觀定生喜

樂成就二禪行便定生喜樂身遍滿得定生
喜樂已除身多心多乃至身不除心不除得
身不多不煖不熱不燃不焦得樂則無煩惱
金剛不求利勤力樂行齊是謂定生喜樂遍
滿身

云何離喜滅沒除盡是謂離云何捨行謂共
捨定得正得護持威儀任行微行是名捨行
云何念正智念正智成就是名念正智云何
身受樂樂謂忍樂意觸樂受是名樂此樂身
受正受微受緣受以何身受意身受是名身
受樂云何如諸聖人解聖人謂佛及聲聞知
自地善法現世樂行入定出定已顯示教化

流布開解演說分別顯現是名如諸聖人解
捨念樂行云何成就三禪行三禪有五支共
味捨念正智無喜樂一心云何共味捨如此
丘滅覺觀內淨信心觸無覺無觀定生喜樂
成就二禪行如此丘觀喜麁我喜麁心踊躍
共味捨勝寂靜如此丘觀喜麁喜寂靜正寂
靜滅沒除盡喜寂靜正寂靜滅沒除盡已共
味捨生正生起正起具足成就是名共味捨
如此丘若行乃至觸滅覺觀內淨信心觸無
覺觀定生喜樂成就二禪行如此丘行乃至
觸親近正親近多修學如此丘行乃至觸親
近正親近多修學已心向寂靜心向寂靜尊

上寂靜尊上寂靜傾向寂靜傾向寂靜已喜寂
靜證寂靜滅沒除盡喜寂靜正寂靜滅沒除盡已
共味捨生正生起正起具足成就是名共味
捨復次比丘離喜樂修無喜共味定如行人
捨勝捨心調正觀調心無作非受是名共味
捨云何念行人念憶念是名念云何正智如
行人智見解射方便是名正智云何無喜樂
如行人心不忍受苦樂意觸不苦不樂受是
名無喜樂云何一心如行人心住正住是名
一心如是五支是名三禪何謂三如四禪次
順不逆以次入定行三與三無有中間是名
三云何禪謂捨心垢正捨緣捨是名禪乃至

復次離喜樂修無喜共味定如行人受想思
觸思惟乃至及餘隨色是名禪復次隨法非
禪是隨禪法若心住正住是名禪如是定護
持戒威儀任行微行是名成就三禪行如比
丘身無喜樂津液遍滿無有減少如優鉢羅
池波頭摩池拘勿頭池分陀利池花從泥涌
出未能出水此花若根若頭水津液遍滿無
有減少如是比丘身無喜樂津液遍滿無有
減少云何津云何液云何遍云何滿如比丘
住禪時無喜樂初生正生起正起觸證如比
丘住禪時身無喜樂亦時名津乃至住禪時
無喜樂能到彼岸齊是名無喜樂亦時名身

滿如農夫初以水漑田地始津潤亦時名津
潤已水漸開微行未能增廣亦時名液已水
遂增廣未到彼岸亦時名遍遍已水廣到彼
岸地一切高下盡滿滿時水還讓水口如農
夫放水處齊是名滿比丘亦如是住禪時身
無喜樂生正生起正起觸證身無喜樂亦時
名津乃至住禪時無喜樂能到彼岸齊是謂
名無喜樂亦時名身滿復次津液遍滿如是
諸句義一名異如佛說此苦聖諦法未曾聞
自思惟生智生眼生覺生明生通生慧生解
諸比丘此不應如是說謂智異眼異覺異明
異通異慧異解異如此諸句義一名異津液

遍滿亦復如是。義一名異。如此丘修喜心遍
解東方南西北方四維上下喜心普廣無異
無量無怨無恚遍解一切世間行。介時以衆
生為境界。比丘任禪時身無喜樂津液遍滿
以身為境界不應如是說。如此丘應思惟無
我法離喜捨行念正智身樂如諸聖人解捨
念樂行成就三禪行便無喜樂滿身得無喜
樂已除身炙心炙乃至身不除心不除。如此
丘除身炙心炙乃至身不除心不除已得身
不多乃至不焦得心不多乃至不焦得樂則
無煩惱金剛不求利勤力樂行齊是名無喜
樂遍滿身云何斷苦樂。如此丘斷苦樂是名

斷云何先滅憂如比丘憂喜已滅寂靜正寂
靜是名先滅憂喜云何不苦不樂捨如佛告
舍利弗如聖人離欲惡不善法成就喜行亦
時無有五法謂共欲染相續憂樂共欲染相
續憂苦共不善喜樂共不善憂苦共善憂苦
舍利弗如聖人離欲惡不善法成就喜行如
是五法盡無如聖人離欲惡不善法得成就
喜行共欲染相續喜樂乃至共善憂苦亦時
已滅及餘共善憂樂亦滅是謂入第四禪云
何第四禪第四禪有四支不苦不樂捨念淨
一心云何不苦不樂捨如比丘離喜捨行念
正智身受樂如諸聖人解捨念樂行成就三

禪行如比丘觀無喜樂。麤心猶有作，若不苦
不樂捨勝寂靜。觀無喜樂，麤無喜樂，寂靜正
寂靜滅沒除盡已，不苦不樂捨生正生起。正
起具足，成就是名不苦不樂捨。如比丘若行
乃至觸離喜捨行，念正智身受樂如諸聖人
解捨念樂行成就。三禪行如比丘行乃至觸
親近，多修學已向寂靜已，向寂靜尊上寂靜
尊上寂靜，傾向寂靜，傾向寂靜已，無喜樂寂
靜無喜樂寂靜滅沒除盡已，不苦不樂
捨生正生起。正起具足，成就是名不苦不樂
捨復次比丘離無喜樂修不苦不樂捨定。如
行人身心不忍受苦樂，眼觸不苦不樂受，乃

至意觸不苦不樂受是名不苦不樂捨云何
念如行人念憶念是名念云何淨如行人念
離欲染清淨離惡不善法清淨離覺清淨離
觀清淨離喜清淨離樂清淨離苦清淨離憂
清淨及離餘煩惱法清淨是名淨云何一心
如行人若心住正住是名一心此四支是名
第四禪何謂四禪次順不逆以次入定行四
與三無有中間是名四何謂禪捨心垢正捨
緣捨是名禪乃至復次離無喜樂修不苦不
樂捨定如行人受想思觸思惟乃至及餘隨
色是名禪復次隨法非禪是修禪法若心住正
住是名禪得如是定護持威儀住行微行是

名成就四禪行如比丘修清淨染心身遍解
行無不遍處如男子女人著白淨衣上下具
足從頭至足從足至頭無不遍處比丘亦亦
修清淨心身遍解行無不遍處

比丘入第四禪心不高不下不憎不愛定住
不動猶如靜室泥治內外戶牖俱閉無有風
塵於其室內然以油燈若人非人若風若鳥
無有觸者然焰不高不下不傾不曲定住不
動比丘入第四禪亦復如是心不高不下乃
至定住不動云何高心共掉相應心是名高
心云何下心共懈怠相應心是名下心復次
共七慢相應心是名高心共我相應心是名下

心云何愛心共染相應心是名愛心云何憎
心共瞋恚相應心是名憎心此四禪中心不
共掉不掉相應乃至不共瞋恚相應是名不
高不下不憎不愛云何住若心住正住獨處
定是名住云何不動處不動謂第四禪如佛
語憂陀夷若比丘離欲惡不善法有覺有觀
離生喜樂成就初禪行我說是動此有何動
謂覺觀不滅若比丘滅覺觀內淨信一心無
覺無觀定生喜樂成就二禪行我說是動此
有何動謂喜未滅若比丘離喜捨行念正智
身受樂如諸聖人解捨念樂行成就三禪行
我說是動此有何動謂捨樂未滅若比丘斷

苦樂先滅憂喜不苦不樂捨心淨成就四禪
行我說是不動若比丘離欲惡不善法入初
禪從初禪起入二禪從二禪起入三禪從三
禪起入四禪是謂到不動處

比丘如是修學四禪欲證通法隨心所欲即
能得證自在無礙如四衢平處有善調駕四
有善御者隨意自在如是比丘親近四禪多
修學已欲證通法隨心即得自在無礙如盛水
瓶堅牢不漏盛以淨水平滿為飲隨人取用
如意自在如是比丘親近四禪多修學已欲
證通法隨心所欲自在無礙如陂泉遮水平
滿為飲隨人決用如意自在如是比丘親

四禪多修學已欲證通法隨心所欲即得
證自在無礙若比丘欲以神足動地能以一
為多以多為一乃至梵天身得自在隨所欲
入若欲受天耳清淨過人能聞二聲人非人
聲隨所能入若欲知他衆生能知有欲心如
實知有欲心無欲心如實知無欲心隨所能
入若欲憶念無量宿命能憶一生乃至成就
此行隨所能入若欲受天眼清淨過人能見
衆生生死乃至如所造業隨所能入若欲盡
有漏成無漏得心解脫慧解脫現世自知證
成就行我生已盡梵行已立所作已辦不受
後有隨所能入如是四禪親近多修學得如

是果報

舍利弗阿毗曇論卷第十二

邛

瑕

遐音

激

擊音

凌蔑

上音陵

嗜

視音

壘

倫

水

漑

倫

水

漑

倫

水

漑

音既

又

攘

二同

而

炙

音

隻

音

隻

音

隻

音

隻

音

隻

音

隻

音

隻

音

隻

